

**JASMIN ADEMOVIĆ, predsjedavajući Gradskog vijeća Grada Sarajeva,  
u funkciji gradskog vijećnika**

**GRADSKO VIJEĆE GRADA SARAJEVA  
Predsjedavajući Gradskog vijeća  
za Komisiju za izbor i imenovanja**

**Predmet:** Prijedlog za dodjelu nagrade „Plaketa Grada Sarajeva”

U skladu s odredbom člana 12. Odluke o priznanjima i nagradi Grada Sarajeva („Službene novine Kantona Sarajevo”, broj 34/10, 14/14,31/14,11/20 i 16/22), podnosim

**Prijedlog  
za dodjelu priznanja „Plaketa Grada Sarajeva”  
Prof. Dr. Ljubiši Zečeviću (posthumno)**

Jedan je od tvorca ideje o organizaciji Zimskih Olimpijskih igara Sarajevo 1984. Zahvaljujući njegovoj predanosti i čvrstom uverenju da se Sarajevo sa uspjehom može kandidovati za domaćina zimskih Olimpijskih igara, krenulo se u izradu elaborata i kasnijeg dobijanja domaćinstva.

Prof. dr Zečević bio je veliki ljubitelj zimskih sportava, a njegov doprinos sportskoj zajednici grada Sarajeva i Bosne i Hercegovine je nemjerljiv.

**OBRAZLOŽENJE**

Ideja o ZOI je začeta davne 1964. godine kada prof. Ljubiša Zečević iz Sarajeva izlaže ideju čelnicima Olimpijskog komiteta Jugoslavije kojom grad Sarajevo može da bude domaćin ZOI. Prof. Ljubiša Zečević je ideju o sarajevskoj olimpijadi podijelio i sa Ahmedom Karabegovićem, a nakon toga i sa g Bracom Kosovcem, koji ideju o kandidaturi u potpunosti podržavaju.

Prof. Zečević se zaputio u Međunarodni olimpijski komitet (Lozana) uz veliku podršku g-dina Emerika Bluma i sa par skica grada Sarajeva i okolnih borilišta arhitekta Brace Alikalfića kako bi prezentovao ideju o Sarajevu kao budućoj olimpijskoj destinaciji.

Kandidatura MOK-u je predata 30. decembra 1977. godine, a kandidaturu su u Atini prezentovali Ante Sučić gradonačelnik Grada Sarajeva i inženjer Aleksandar Trumić. Gradonačelnik Sučić je objasnio predsjedniku MOK-a lordu Kilaninu da na osnovu detaljnih studija kojima su analizirani vremenski uslovi u posljednjih 100 godina, Sarajevo garantira snijeg i adekvatne temperature, tj. idelane uslove za nesmetano održavanje Igara.

Sarajevo je imalo nekoliko gradova protukandidata koji su također željeli organizaciju ZOI 84. U prvom krugu Sarajevo je dobilo 31 glas, Goterborg 10, a Saporu 33 glasa. U drugom krugu Sarajevo je pobijedio grad Saporu sa 39 -36 glasova. Lord Kilanin je je objavio da je Sarajevo domaćin Zimskih olimpijskih igara 1984. godine, a legenda bh. novinarstva i komentator Nikola Noka Bilić je sa velikim uzbuđenjem objavio jugoslovenskoj javnosti dobijanje kandidature Grada Sarajeva za ZOI 84.

Prilog ovom obrazloženju je kopija članka iz Oslobođenja iz 2013. godine.

Nažalost, prof. Zečević nas je napustio 2019. godine, ali građani Sarajeva mu se žele odužiti.

Čast mi je predložiti Prof. Dr. Ljubišu Zečevića za dodjelu priznanja „Plaketa Grada Sarajeva” – posthumno.

U Sarajevu, 02.01.2024. godine,

Jasmin Ademović, s.r.



Prof. dr. Ljubiša Zečević, gimnastičar, plivač, atletičar, rukometaš...

# Čovjek koji je pisao istoriju bh. sporta

Dosadašnji sportski i profesionalni angažman prof. dr. Ljubiše Zečevića čine jedinstven opus izvrsnih rezultata i uspjeha i na sportskom i na profesionalnom planu i očit dokaz da sportski duh predstavlja osnovu i životni moto ljudi bogate i uspješne karijere

Sport je ljudska aktivnost čija je osnovna karakteristika nadmetanje, u skladu s tom definicijom sportisti su ljudi koji prihvataju izazove dokazivanja želeći uz poštivanje vrijednosti i principa sporta dokazat prednost nad protivnikom. U toj borbi formira se i sportski duh koji teži izazovima i stremi ka brzem, višem jačem. Osnovna karakteristika sportiste jeste upravo sportski duh koji, kada jednom bude prihvaćen, ostaje kao vodeće opredjeljenje čovjeka do kraja. Sport ne poznaje granice, pa tako ni sportisti ne priznaju ograničenja bilo koje vrste.

## Svestrani sportista

Dosadašnji sportski i profesionalni angažman prof. dr. Ljubiše Zečevića čine jedinstven opus izvrsnih rezultata i uspjeha i na sportskom i na profesionalnom planu i očit dokaz da sportski duh predstavlja osnovu i životni moto ljudi bogate i uspješne karijere. Kao i mnoge generacije sarajevskih dječaka, prve sportske korake započeo je u neizbježnom Fisuu kao gimnastičar, plivač, atletičar, rukometaš i u svakom dokazivao da se radi o izuzetnom talentu. Bio je rekorder BiH u skoku uvis i državni reprezentativac u toj disciplini, igrao je veliki rukomet za sarajevsku Bosnu kada je ovaj tim osvojio prvenstvo Jugoslavije.

Tadašnji DIF završio je u Beogradu, polje interesovanja su mu bili atletika i zimski sportovi, te sportska istorija, a iz te oblasti je izabrao temu za doktorsku disertaciju. Jedan je od inicijatora osnivanja Visoke škole za fizičku kulturu u Sarajevu, gdje je bio predavač i zamjenik direktora, kasnije je VŠFK prerastao u fakultet. Kao član Jugoslovenskog olimpijskog komiteta dao je veliki doprinos da se ideja organizacije Zimskih olimpijskih igara u Sarajevu prihvati u najvišim sportskim i državnim institucijama.


Promocija sporta na našim prostorima doživjela je novi kvalitet radom prof. Zečevića na funkciji predsjednika UNESCO-ovog potkomiteta za sportski program. Impozantan je broj značajnih sportskih manifestacija koje su obilježile istoriju sporta u našoj zemlji, a u čijim organizacijama je on učestvovao na najneposredniji način, kao što su: Studentske zimske igre (Univerzijada) 1955. godine na Jahorini, Prvenstvo Evrope

u atletici (PEA) u Beogradu 1962, Prvenstva Evrope i svijeta u kajaku (PESK) u Jajcu 1963, Balkanske atletske igre (BAI) u Sarajevu 1966, Svjetsko prvenstvo u stonom tenisu (STENS) u Sarajevu 1973, kao i brojni jahorinski kupovi u skijanju.

Poseban događaj, ne samo u sportskoj istoriji grada Sarajeva i Bosne i Hercegovine, predstavljaju ZOI '84, a u samoj žiži ideje o organizaciji Zimskih olimpijskih igara u našem gradu i kasnije u njoj realizaciji bio je prof. Ljubiša Zečević, a obrada teme značaja ZOI '84. u opštoj istoriji naše zemlje je predmet daleko šire elaboracije i mnogo opširnijeg obima nego što je ovaj tekst. Međutim, vrijedno je i ovdje citirati prof. Zečevića kada je u jednom intervjuu rekao da "ZOI '84. predstavljaju kulminaciju uspjeha i sposobnosti bosanskohercegovačkih ljudi".

## Sportska istoriografija

Poseban afinitet prof. Zečević iskazuje radom na istraživanju istorije bh. sporta od početka razvoja organizovanog sporta na našim prostorima. U tom smislu veoma je značajan i interesantan njegov rad pod naslovom "Fizička kultura i sport u BiH za vrijeme austro-ugarske uprave (1879-1918)", objav-



Atletski reprezentativac Jugoslavije

ljen u časopisu Pregled broj 2 iz 2008. godine, a ovdje je vrijedno ukazati na pojedine činjenice i akcente iznesene u ovome radu.

Razvoj fizičke kulture i sporta u Bosni i Hercegovini za vrijeme austrougarske vladavine odvijao se u skladu sa ekonomskom, društvenom i političkom konstelacijom. Prve sportske organizacije - "internacionalne" - osni-



Prof. dr. Ljubiša Zečević: Sport kao životno opredjeljenje

započinju pripadnici Kasine vojničke, koji januara 1890. uređuju ledenu plohu na kojoj se, uz nadplatu, mogu klizati i građani, a garnizonsko klizalište 1896. dobija električno osvjetljenje.

Hrvanje u početku dolazi sa putujućim trupama (1893) i u domenu je zabave; ubrzo se pojavljuju domaći hrvачi. Organizovano plivanje počinje 1890. sa

Kreki, osnovano je Prvo bosanskohercegovačko rudarsko gombalačko i glazbeno društvo Kreka, sa djelovanjem u Tuzlanskom kotaru. Razvoj sporta u BiH za vrijeme austrougarske vladavine može se ocijeniti kao uspješan i u skladu sa opštim ekonomskim, društvenim, kulturnim i političkim kretanjima, sa 173 registrovane organizacije u 1914. i preko 7.000 članova.

## NEUMORNI ORGANIZATOR

Promocija sporta na našim prostorima doživjela je novi kvalitet radom prof. Zečevića na funkciji predsjednika UNESCO-ovog potkomiteta za sportski program. Impozantan je broj značajnih sportskih manifestacija koje su obilježile istoriju sporta u našoj zemlji, a u čijim organizacijama je on učestvovao na najneposredniji način

vaju migranti: tehničari, ljekari, vojnici i drugi, čemu se priključuju domaći ljudi kroz organizacije "opšte" tipa. Godine 1904. djelovalo je 14 organizacija, 1912. godine 128, a 1914. a čak 173.

U BiH nije bilo oblika socijalnog života svojstvenih onima u Monarhiji, a u pogledu sporta postojali su samo takozvani narodni: bacanje kamena s ramena, skok preko pika iz zaleta, skok s mjestata, hrvanje u pojas, pješačke trke, te raznovrsna kola iz oblasti folklor. Ostali vidovi sporta: pehlihanstvo, konjičke trke i streljaštvo održavani su u svrhu zarade ili kao dijelovi svadbenih, vjerskih priredbi ili kušani, osim konjanštva, nisu mogli zadovoljiti interese, potrebe i želje imigranata. To je bilo moguće ostvariti jedino uvozom onih oblika koji su egzistirali u Monarhiji.

Oko vojnih logora (Banja Luka, Bileća, Mostar, Sarajevo, Trebinje, itd), industrijskih postrojenja (Lukavac, Zenica, Jajce), banjskih i drugih lječilišta (Iliđa, Teslić, Pale), uređuju se parkovi sa tenis igralištima za potrebe vojnog, tehničkog, činovničkog i drugog aparata. Pojava drugih oblika savremenih sportova uklapala se u nastojanja režima da se prikaže napredak u sferi socijalnog života u Bosni i Hercegovini. Klizanje

Die Militar Schwimmschule u Koševskoj dolini, a kasnije u kursevima nastavnik gombanja Berganta. Kuglanje se upražnjava u okvirima vojničkih kasina (Sarajevo, Mostar) ili u privatnim ugostiteljskim objektima. Do godine 1887. ne postoje sportske organizacije registrovane od Zemaljske vlade. Prvi registrovani sportski klub u BiH - Mostarer Radfahren klub (Mostarski biciklistički klub) dobio je odobrenje za rad 1887. godine. Godinu kasnije, osnovan je u Sarajevu Sarajevoer Radfahren klub (Sarajevski biciklistički klub), također djelo stranaca. Društvo Turnverein (gimnastičko) 1891. godine, također je djelo stranaca, te 1897. Schutzverein u Zenici. Sa (Erste) Zenicerer Radfahren klub (Zenički biciklistički klub), osnovanim 1898, završava se period osnivanja "internacionalnih" sportskih organizacija.

Izvan formalno postojećih sportskih organizacija, veoma snažno se razvijao konjički sport, koji je kod domaćeg stanovništva i prije okupacije imao sva obilježja kulture. Već 1890. održane su nagradne trke u Jajcu i Bijeljini, a 1892. na Kupresu. Po uzoru na strane klubove, već 1896. godine se u Mostaru osniva Prvo hercegovačko Velocipedsko društvo, a 1899. Koturaški klub Sokol u Sarajevu i Biciklistički klub Orao u Banjoj Luci.

Savez radničkih gimnastičkih društava za Bosnu i Hercegovinu u Sarajevu konstituise se 5. oktobra 1911. sa svrhom: "gajenje gimnastike (tjelovježbe) među radnicima (članovima) muškog i ženskog spola". Iste godine, 31. decembra, u

## Društveni značaj

"Istorija sporta predstavlja značajan dio opšte istorije jednog društva, te bi ova tematika morala naći odgovarajuće mjesto u sferi proučavanja ukupnih društvenih kretanja. Međutim, kako kod nas ne postoji generalni koncept razvoja sporta niti stabilnih izvora finansiranja, tako je i proučavanje istorije bh. sporta prepušteno sporadičnom interesu pojedinih entuzijasta koji iz različitih motiva i bez opšte ustanovljenih principa rade prikaze pojedinih oblasti, organizacija ili istaknutih ličnosti iz istorije BH sporta", ističe prof. Zečević te nastavlja:

"Atletski savez BiH je monografijom "Atletika u Bosni i Hercegovini od najranijih vremena do danas", može se kazati, postavio model kako se uz ustanovljene kriterije može uraditi vrijedan i vjerodostojan dokument iz istorije sporta. Danas su prisutne tendencije da pojedinci pišu istoriju svoga sporta ili svoje organizacije pri čemu polazište nije istorijsko, nego se prvo utvrdi zaključak pa se potom traže podaci i argumenti koji tome odgovaraju, pristup radu se zasniva na tome da se postavi prošlost tako da bi u sadašnjosti projicirali budućnost.

Pisati istoriju bh. sporta je dugogodišnji zadatak na kome treba okupiti ljude sposobne i spremne da se istinski angažuju na ovome izuzetno značajnom poslu. Čini mi se da bi u sadašnjim uslovima bilo najbolje formirati elektronski servis "BH istorija sporta" i pozvati na saradnju sve one koji su voljni doprinijeti radu u realizaciji ovog zadatka" - zaključuje prof. Zečević.

Treba očekivati da će ova sugestija prof. dr. Ljubiše Zečevića naći na razumijevanje, kako poklonika sporta, tako i odgovornih institucija, i da će se u dogledno vrijeme na odgovarajući način pristupiti ovome, za opšte dobro, veoma važnom zadatku.

Ibrahim UŠTOVIĆ

## DUGOGODIŠNJI ZADATAK

Pisati istoriju bh. sporta je dugogodišnji zadatak na kome treba okupiti ljude sposobne i spremne da se istinski angažuju na ovome izuzetno značajnom poslu. Čini mi se da bi u sadašnjim uslovima bilo najbolje formirati elektronski servis "BH istorija sporta"